

筆記小說大觀

第十七冊

筆記小說大觀第十七冊目錄

漫游紀略

清·王澐

觚賸

清·鈕琇

台灣外紀

清·江日升

東城雜記

清·厲鶚

聊齋志異拾遺

清·蒲松齡

今世說

清·王晫

古歡堂集

清·田雯

蜀都碎事

清·陳商祥

蝶階外史

清·佚名

清王勝時著

漫遊紀略

上海進步書局印行

漫遊紀略提要

漫遊紀略四卷雲間王勝時著一名旅園集歷紀越閩燕淮齊魯粵楚之遊及其山川城郭風土物產靡不覲縷及之文章亦與景物相稱樹骨於兩漢擷采於晉宋信乎遊紀中之上乘矣

叙

王子勝時足跡半天下前後紀游共四卷以授其友吳子在蕭寺逆旅與客共讀之卒業客作而歎曰樂哉王子極天下之高深以為遊觀而文章能發其勝視柳子厚感賦一州而求水石於數里間者不遠勝乎吳子慨然曰王子之遊正王子之憂患也何樂之與有夫王子少有大志思翔紫清建非常而垂不朽詎意齟齬弗莫三山播蕩鳳羽見羅鷄雖并斃於是種青骨瘞苞羽皆傾陋巷饑溺之資以購之資生無餘六喪未舉勁骨強項不得不因報劉而屈委曲從俗親憐神瘁山川滿目皆此岵也繁卉皇皇皆桑棘也以是為樂非知王子者也客曰信然歟則其親以後吳為復出也吳子曰夫倫紀固相依為重者也友朋之倫輕於君親然使有濟於君親則友朋亦重矣吳子春秋曰養及其親則死之吾猶致力以養親縱不以死報而連謝絕其將伯之請豈人情哉故王子之可仕而不仕其素志也不欲遊為親也遊至六七推愛親之餘不敢負良友也彼曾邱以口舌盡金錢茂秦以為什當羔鴈皆王子所吐棄而不為者矣客曰夫人樂至則詠長哀來則聲咽文為心聲形乎所感今王子紀遊之作古骨雋米驚動一世豈其不樂而能為之乎吳子曰此非其樂也才力餘也今夫樵者腰鐮牧者折筵足濟於用矣及使王孫為樵牧則杖龍淵以刈藜藿持步光而麾鸚鵡旁人駭之而彼不過出所固有耳王子之文章樹骨於兩漢擷采於晉宋皆越遊時滓屬所成後且恣意以言無不合轍譬伯牙鼓琴久入化境豈專情山水而後成其竊眇哉客曰唯唯吳子遂書其語以為序吳麒麟題

卷一

越遊

閩遊

卷二

燕遊一

燕遊二

燕遊三

淮遊

卷三

齊魯遊

粵遊

卷四

楚遊上

漫遊紀畧

楚遊中

楚遊下

目錄

越遊

清 雲間王淦勝時著

余年十有四始師事大樽陳先生時歲在壬申先生方以古文詞倡起東南墻宇高峻士之及其門者這次不能自遠予以童子隅坐晏如也先生成進士歸而廬居三載益切劇於學時時過從誨有加焉及先生之官越州予適先慈喪苦次疾作先生聞之貽書見慰且曰越中山水之勝晨夕寓目舍中清曠庭除鳥雀殊宜書史取屈從者予初失恃復嬰疾未忍去倚廬請於先君先君曰師命也孺子勉之余遂以癸未春適越越州治負卧龍山李師居西舊有宛委齋先生築堂於其前漳浦黃公以八分書署之曰清音又贈言題柱云愛物若騶虞指佞如屈軼黃公者先生座師也會稽群山皆在堂前遠岫參差雲物回互昏旦萬變郭內萬井鱗次樓榭繡錯亦有因山成墅亭亭隱見堂中周列圖史橫陳琴几予處堂之右左則先生寢室也越中吏事清簡旦起出堂治簿書不移晷而畢歸生堂中讀書自若遇快意輒呼余並讀之或命余檢視某書某事摘發靡遺有所著撰端坐凝神間一微步拂几疾書

漫遊紀畧

卷一

一

授予高誦相與鼓掌為樂或授簡於予予進謝不敏先生最之一言之獲必加獎掖間出以示座客予心愧焉時山陰劉忠端公方里居講學先生赴講席歸則又為予極論天人性命指予請質所疑窮探幽蹟嘗自作往復數次終日疊疊無倦色每日晡先生秉燭讀書聲琅琅徹戶外夜分未止予嘗寐假以待或過呼予問云何予從寐中起應先生讀書必至丙夜繼以談讌及就寢則鷄且鳴矣旋辨色而興其勤若此考功夏忠惠公聞之貽書戒以葆生宜子為言先生感其言切乃損三之一聞漏二下即出室談讌縱論古今治亂成敗之數下及當時之務有慨於中則太息而起或環柱而志往往罷酒亦已漏三下矣是歲秦寇日熾而楚師左良玉潰兵南下吳越岌岌震鄰夏秋之際予從先生往還虎林慨時撫事邑邑不樂自此遂有乞歸之志矣先生性高簡門無雜處至是時時稱病謝客予所睹記一歲中以講學至者屢東張受先先生也以談風角至者閩中蔡山人無能故相高陽孫公客也以治神器至者海上陳博士仲台故相徐文定公甥也我鄉戚友以遊覽至者顧偉南張子復子退曹魯元謝提玄宋轅文周宿來也周子則與蔣子大閱先余從越遊者也其同舍者惟盧鹿田與予二人越中名士升堂者王玄趾毓著輩不及數人而已歲

暮先生以督軍移赴南都。予請歸省。甫抵里。而聞婺州許都之變。當事亟檄先生歸撫之。降其衆而還。時甲申之正月也。事載先生之年譜中。予馳赴越。則變已平矣。仲春。先生量移南銓。士論皆失望。而先生以得遂歸。善志聞之。忻然。至命治裝。未行。旋以平糶變功。改除黃門。非先生意也。先一歲冬至。吳越間大雷電。是春陰霾積月不解。去越之日。大風拔木。雨暴至。如盛夏時。蓋崇禎甲申三月十九日云。

閩遊

紀時。始自壬辰孟夏。迄于癸巳嘉平。約二載云。壬辰仲夏朔度嶺。午日過建州。七夕在莆中。中秋九日皆在三山。長至在南康。時序備矣。

紀地。由嘉禾武林之富。陽睦之桐廬。藝之蘭溪。衢之江山。入閩。古稱七閩。今列郡八。予遊其七。其八也。自建州下延津。以達於三山。自三山取道長樂。過福清至莆中。又自惠安至泉南。過同安至清漳。其出也。自延津至順昌。至樵川之光澤。入江右境。為

漫遊紀略

卷一

二

建昌為撫州。為南昌。為南康。入江南境。為皖城。秋浦牛渚。至于白下以歸。

紀山川。自錢塘至江山之青湖。皆水也。濱江諸山。遠近不一。近者為七里湖釣台。宦遊者戒勿登矣。自青湖至建之浦城。皆山也。山都以嶺名。仙霞特著。蓋山深阻。盤紆回互。高入雲表。深臨絕壑。行者蠅緣而上。猿引而下。仰視前峯。高踰於後。一日之間。登頓數次。稍就夷處。疏為衢術。列次邸舍。往時商旅出途。朝夕聞咽。亦有當墟調笑。倚市徵歌。兵燹之後。空山設戍。猶存頽宇。至者如歸。馬初入山。聞泉聲淙淙。在石齒間。行久之。聲益急。輕者鳴絃。重者沸湯。土人因其高下。引流委折。阡陌鱗次。是為梯田。或乘流導澗。壘石激湍。為水碓。水磨之屬。亦山中之水利矣。自浦城以下。水也。水都以灘名。黯淡特著。亂山夾峙。眾流奔注。匯為一川。建瓴而下。曲者蛇行。直者矢激。一灘未至。先聞聲若崩雷。至則崖壁矗立。前若無礙。目不及瞬。已失所在。每過一灘。戰慄失次。氣息未屬。而前灘又至矣。如是者以累十計。及將至。黯淡望不見石。意以為夷也。忽雷聲自水發。舟若躍起。自上入下。浴浪而出。乃知石立水底。水激怒飛。險倍他灘也。行者至此。莫不驚魂失氣。僵臥不能起。或舍舟從岸。踰險乃濟。馬至延津。則汀邵之水來會。流下三山。入於海。舟行至三山之洪塘。陸行入會城。城中島石

山石色如踰。廢神光寺在焉。出會城。至南台。閩越王之釣龍台也。孔道自烏龍江亂流而濟。亂後郵廢。道弗不行。乃順流而下。長樂陸行至福清。由浦以抵於泉漳。皆從海壩行。無山川可紀云。自延清溯流而上。至樵川之光澤。雖勢稍緩。自光澤山行一日。出杉關。崗巒平衍。溪流渟泓。行旅便之。至於石峽。壽昌寺在焉。是為豫章新城之境。自此皆水矣。由彭蠡以入於江。

紀風土。上海四郡毗連。浙左江右。襟山帶溪。霜雪之所及也。自三山以下。地皆濱海。隆冬如夏。草木不凋。蚊蠅營營。近平南粵矣。壬辰孟秋。過莆。莆人方再時未。秋暑彌酷。晚禾賴之。癸巳元日。在清漳。偶過顏氏廢墅。惟時桃花零亂。梅萼初舒。畫桂競芬。有類秋日。四時之候。亦以地變也。是夏在泉南。其土赤墳。埴埴如頽壁。宇赫然。增其煩歎。以手按地。氣蒸蒸然。此中男女躡屐。誰曰不宜。而泉漳之間。弓步絕跡。殆南越之餘俗歟。諺云。泉南興女。蓋泉南士女。靚飾袿服。有彼都之風矣。優伶之屬。泉人稱勝。亦猶吳歙之尚崑山也。傳粉珥耳。冶步遲聲。土人聞之。莫不鼓掌歎絕。其音侏離。客靡得而辨焉。夫樂操土風。固其宜矣。若乃五方區別。語言自殊。是以仲達旁通風俗。子雲博採方言。其能彼我通懷。無煩舌人者。亦賴於同文也。閩音。鵠古。觀面莊然。

漫遊紀略

卷一

三

惟有六書。諧聲可達。乃彼方人士。壯歎靡聞。童而習讀。取便鄉音。遂使聖經。幾同梵筌。宜其出對諸友。談功罕著矣。有若文翁之倫。廣延方聞之儒。分詣學宮。是正文字。辨以四聲。革其里謠。漸及塾師。以次釐革。數年之間。學者咸誦。論而升之。音韻既正。庶幾語音得而通矣。雖狂瞽之厄。誠不無裨於風土。抑亦通方之所不棄也。故附述焉。紀城郭。諺云。銅延平。鉄邵武。予嘗登焉。延平城東。山腰城中。巖巒參差。居民若蜂房。一家之內。升降崎嶇。舟中望之。市廛屈屈。行者如繪馬。道間置竹。通中引泉。上下灌輸。蛇行列伏。城市之民。巖居如飴。亦一異也。談守禦者。亦無虞於汲道矣。邵武城上有樓曰詩話。以郡人宋嚴羽名。非論詩所也。予去漳。漳城夷為平地。此即閩禍之至烈云。紀閩關。閩關三。自江山入浦城者曰仙霞。自建昌入光澤者曰杉關。自信川入崇安者曰分水。俗稱大關。郵傳所出。亦走武夷道也。是時山魃塞道。輻輳久絕。遊者亦望岫息心矣。予所過二關。杉關為平。仙霞最險。地介衛建信州之交。萬山起伏。山勢至此。兩崖斗絕。中通鳥道。仰高俯下。因險設關。截容一夫。今已頽廢。閩人言。先年鄭氏望風送款。預撤守兵。啟關以俟。故入閩者無血刃焉。及余入關。山中伏莽復發。血殷殷。清草間。客寢一夕數驚矣。明年出杉關。時方秋寒。宿霧初收。烏柏丹楓。風迴葉下。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>